



10713

樂城集卷之三十一

宋眉山蘇轍子由著

明東吳

王執禮子敬
顧天敘禮初

全校

西掖告詞五十一首

太皇太后三代

曾祖瓊魏王

勅朕祇事東朝朝夕咨焉以從政乃者躬見上帝升侑神考克以眇躬率行盛禮思所以仰報於慈訓謂莫如追寵其先人太皇太后曾祖某報登事章聖蔚為名臣智勇冠時忠勤沒世

樂城集卷之三十一

瀟淵之役卒致匈奴之和勳列鼎彝慶鐘任姒賦政帷幄澤被海隅家傳異姓之王誓堅帶礪恩加千里之國昭示子孫其尚有知服此休命可

曾祖母李氏燕國

勅朕嗣守鴻圖初見上帝推衍天澤丕冒海涯矧惟文母之家尊為外戚之冠恩自近始寵無與倫太皇太后曾祖母某氏蘋藻之儀敬而不瀆珩璜之節動必以時作嬪大家肇錫餘慶宜新湯沐之奉以追寵之樂音徽永存尚克嘉此可

曾祖母李氏韓國

勃和熹之慶兆自高密外奮武功中篤淳行閨門之風比隆儒者
維我 聖母鍾慶烈武積累之厚追配古人宜其室家並受光寵
太皇太后曾祖母某氏夙被女訓有鵲巢之風能使君子成益
羊之行德配圖史福流子孫肆予熙事之成宜錫大邦之寵服我
新命賁爾舊阡可

祖繼隆楚王

勅朕惟 祖宗功臣能父子相繼勳業不墜者惟曹氏高氏克顯
於世而皆篤生 聖女輔成 二宗之內治今予 神母實親庶
政均覆內外是用寵其先人以慰慈心 太皇太后祖某武方自
奮家聲益茂出擁旄節入董環衛與漢辛氏武賢慶息唐李氏西
平大涼較長挈大罔有慙德茲予大享於合宮思與懿戚共享其
福大邦名城爾實宜之肇封荆楚以福爾後可

祖母康氏魯國

勅古之命婦貴從其夫維克有後則以其子矧予天下之母內極
三世之尊可無追崇助我孝治 太皇太后祖母某氏育德名族
作嬪大邦象服之盛配德於山河形管之嚴比潔於圭璧比列荆
河之壤追賚九泉徙封少昊之墟益彰異數追遠之厚予何吝焉

祖母郭氏豫國

勅朕於舊勳之家無所不厚矧維坤德之重恩何以加內殫孝敬之深心庶幾慈仁之一喜比緣大賚思極追榮 太皇太后祖母某氏保傳不勤宗族稱善姑章安其能養子孫法之不忘茲用推惠澤於總章易隆名於大國漏泉之慶尙克享之可

祖母全氏秦國

勅朕篤於奉天禮極嚴父思其志意莫如念母之深寵其祖先尙有追封之典 太皇太后祖母某氏婦德成於早歲母儀著於當年宜其室家施及宗黨鳴鳩懷均一之性蜚翟見委蛇之容沒而不忘易舊封於西土傳之罔極告新命於宗祧可

樂城集卷之三十

二

父遵甫唐王

勅高密之仁其報在訓汾陽之功其報在援維其子孫不能專有其福實生聖女以母天下漢唐之盛曠無與倫 太皇太后父遵甫魏王之孫而楚王之子也生而富貴動由禮義才甚高而不試德雖隱而自彰命之不融中道而殞祚我 神母實代天土厚德載於三朝貴名高於十亂仁民愛物每以生靈而爲心克已復禮深惡外家之太盛臨御期歲遂安四方和熹才有餘而德不充懿安福至厚而功不著欲報之德不知所從茲予祀帝於總章大靈

寵恩於海寓追崇之典所不敢忘改封堯都增寵家廟可

母曹氏吳國

勅朕以四海之富爲 二宮之養猶朝夕歎然以爲未足推予此
心以知 聖母追遠之念罔有窮已謂將成就其美莫如褒顯其
先 太皇太后母某氏生於功臣之家綽有女士之德恭儉廉退
孝友慈祥實生太任作合英祖方其造舟以迎於渭教成而結其
禱母育四方二紀於是君臨百辟期年有成推迹本源安可忘報
改封南國以貢九泉庶乎有知服我新命可

母李氏秦漢國

變城集卷之三十

四

勅尊之而欲其貴愛之而欲其富聖人非私其親也情之所厚禮
有必然眷予外戚之小君蚤與唐國之內治恩寵之異中外莫先
太皇太后母某氏奕世簪裳生知法度鵠巢無愧於居室麟趾
自致於多賢愛均七子之仁養及中宮之貴迨此臨軒之日方其
授几之辰化被族人貴震海內疏封二國蓋近世之罕聞壽考百
年均本朝之多福可

皇太后三代

曾祖敏申申王

勅昔我 皇祖光宅天下承賢以自輔一時公相皆世之豪傑子

孫顯榮歷世不墜篤生淑女作配皇極究觀本源蓋非一日之積也 皇太后曾祖某光大篤實真漢相之風富貴壽考有天人之福畫像原廟銘功太常方均慶於合宮宜易封於成國服我沐命祚爾後昆可

曾祖母宋氏魏國

勅朕親祀合宮仰以陟配昭考追文王之典俛以大賚臣工侈上帝之福眷予 母族之重實居戚里之崇豈無異恩以廣慈念

皇太后曾祖母某氏靜而守禮存江漢之風動必有儀巖山河之象德洽宗黨慶流子孫疏封有唐於今歷歲肇新畢萬之國以寵

樂城集卷之三十

五

向氏之桃可

曾祖母張氏魯國

勅昔向氏之祖位列丞弼世方平享在位正直有羔羊之風退食委恥本鵲巢之致積是懿德逮其曾孫嬪于有虞遂母天下寵光所被中外莫加 皇太后曾祖母某氏躬服孝慈動由禮義其歸以百兩之眾其貴有六珈之儀壽雖止於中身慶實鍾於來裔推子享帝之賚錫以保魯之封尚克有知服此休命可

曾祖母宋氏楚國

勅朕躬享昊天君簡 神考外推嚴父之教內懷將母之誠厚撫

其家追王厥祖下迨閨幃之懿咸加封爵之崇躬孝帥民朕無所愧 皇太后會祖母某氏嚴於正家動必由禮采繁以其公侯之事親柔以致衮冕之華藹然令猷克光來棗肇新封於荆楚告休命於烝嘗尙克有知膺此異數可

曾祖母王氏陳國

勅朕尊尊以教敬親親以致愛非予戚里之舊孰能兼受斯禮

皇太后會祖母某氏毓德柔嘉執禮嚴靖服膺保傅之教究知臣妾之勤內無怨言家有餘慶循致坤元之福遂正母儀之尊方茲祀於總章旣大資於寰海易爾句踐之國錫以太昊之墟恩寵有加永世無陞可

樂城集卷之三十

六

祖傅亮樂王

勅爵爲上公周制也王以異姓漢法也朕兼采周漢之舊以寵親賢之家因大享之告成錫異恩而追遠 皇太后祖某故相之子生而顯榮躬蹈儒者之風行無世祿之過積累之厚下迨子孫褒寵之優肇建邦邑因其奄受北國之命寵以劔立南面之尊朕將以慰母心爾亦世享廟祀可

祖母吳氏越國

勅申王諸子皆列貴在榮國不耀中止郎官濬德之深其報在後

及孫而顯母儀天下德澤流衍室家光榮 皇太后祖母某氏珪
璋之行著於族人蘋藻之恭宜於祖考貴始封邑恩錫有邦茲因
總章之祀推廣隆祐之孝裂會稽之奧壤增湯沐之舊封尙克有
知服我休命可

父經周王

勅申伯之德參於周召之間褚公之賢載於王謝之列恩非專於
戚里名自顯於搢紳今予外家庶幾前烈 皇太后父某絕出世
胄交友儒林休聲藹然多福自至卧淮陽之近輔表東海之雄藩
清淨不煩得承流之要忠悃深至有入告之常壽止中身慶在隆
欒城集卷之三十一
七
祐茲因嚴父之祭起予念母之心大啟周南之封以慰宮中之孝
國有常典匪予所私可

母李氏豫國

勅 先皇帝刑于室家以御于天下非獨外有輔佐而中宮之懿
實與有勞煥乎四德之充豈惟一世之積 皇太后母某氏敦閱
圖史服勞組紉肅雍娣姒之間祇敬姑章之奉詔生淑女之淵穆
不及君子之榮華初建長秋閱追榮之已遠繼開隆祐知餘慶之
方遐乃者熙事告成麗恩廣被肇錫荆河之國以新脂澤之田責

於九原嘉此休命可

勅朕聞後庭以德進則外戚以福終周之任妃既克保其國而漢之薄賞亦能全其家至哉坤元實相內治宜爾外家之慶何同帝室之休 皇太后母某氏性稟淑均德推靖慎因豫國治家之遺迹迨慈徽毓德於妙年命之不融乃止中壽比緣茲祀啟湯沐於堯都錫以命書賁烝嘗於家廟漏泉之澤奕世不忘可

皇伯世儔贈奉國軍節度觀察留後追封奉化罷公

勅唐之藩郡以留後爲重司之列國以諸公爲貴國朝兼用古制外以待將帥之功內以優宗室之懿非此二者未嘗授焉具官某貴而能降富而不盈孝弟之美著於親黨儼恪之容見於朝會沒身不試遺範不忘寵如兩使之貳優以五等之貴魂而有知嘉此休命可

樂城集卷之三十

八

越國賢惠長公主追封大長公主

勅王姬之貴而能執婦道以成肅雍之美朕嘗聞召南唐棣之詩矣永惟 皇祖之慶篤生淑女之賢賦命不融中道而沒哀榮之典茲何敢忘故越國賢惠長公主冀寵宮庭生知禮義儀降王后有車服之崇德配君子稱室家之懿逮茲皇帝之澤推子尊祖之誠大長之稱寵榮斯極追錫成命以賁九泉可

世繁贈安武軍留後追封信都郡公

勅留後之權均於元帥郡公之爵貴於諸侯國朝兼采周唐之舊官以爲親賢之異數慎終追遠斯極哀榮具官某生於富貴之中綽有縉紳之度行已以禮好善不哀朕篤於合族之仁嘉爾終身之善錫之好爵昨以大邦仰增族黨之華俯爲寵宥之耀可

唐僉

逢溪簿於瀘州隨軍部夫
人昇漳死贈梓州錄參

勅具官某乃者師征瀘戎爾與在行瘴厲爲虐往而不返朝廷道錄勤勞不遺細大特加督郵之贈以易賻布之禮孝子之請予何忍違可

藥城集卷之三十

九

克賢贈奉國軍兩使留後封奉化罷公

勅生於富貴而成於禮義克自扣長以沒其身不有寵榮何以爲勸具官某宗黨稱孝朝廷所賢肅雍右衛之華捍禦遙州之重賦命不淑中道云亡匍匐之恩情何極已哀榮之典國有故常可

士觀贈左領軍衛將軍

勅具官某宗室之良生而不試沒而無述則爲善者何勸

焉

以孝

弟忠信紀於族黨贈之諸衛之秩以表平生之賢竟而有知嘉此休命可

勅朕方恭默思道垂拱責成乃者大享合宮陟配 聖考躬執珪
幣敬逆神休奉璋莪莪皆先朝之舊降福簡簡告純嘏之豐朕弗
敢專用廣其施具官某曾祖某懷抱美志浮沉人問孝弟篤於父
兄忠信驗於朋友天道不詔報在子孫人爵自高寵極師保朕命
不替世世賴之可

曾祖母

勅朕嚴父配天以教天下之孝肆菁及物以廣上帝之仁願予左
右丞弼之良咸有肅雝顯相之助既寵榮其祖禰復追賚其室家

樂城集卷之三十

十

具官某曾祖母某氏蘋蘩之儀敬而不瀆瓘璜之節動必以時休
聲藹然後世追誦宜錫召公之社以寵安民之祧尙克有知服我
休命可

祖

勅天之於人無德不報凡今卿士大夫有立於朝尊寵於世者皆
其先人積累之厚茲朕既奉 神考以配上帝尊視之極誠禮兼
盡思與羣公推廣斯義以致其孝具官某祖某才甚長而不試德
久晦而自彰身雖屈於當年善終表於來世三師極品焜耀縉紳
之間九原有知寵綏存愛之地可

祖母李氏

勅古之命婦貴從其夫惟克有後乃以其子矧子本兵之地實總
幾事之煩乃者大享合宮相子肆祀義無不答禮有追崇具官某
祖母李氏性本柔嘉行稱純絜婦德成於雍穆母儀備於慈仁朕
以少昊之墟易其叔鐸之土服我休命宜爾後人可

祖母齊氏

勅古之命婦貴從其夫惟克有後乃以其子矧子本兵之地實總
幾事之煩乃者大享合宮相子肆祀義無不答禮有追崇具官某
祖母齊氏恭順以惠女師慈儉以奉君子閨門從而有禮子孫賴

樂城集卷之三十

十一

以多賢上蔡之封歷年於是大名之壤開國惟新寵以密章賁爾
家廟可

父

勅士之修身行義不顯於國必顯於鄉黨故其乘時得志不在其
身必在其子孫謂天難忱於事可者具官某父某樂於潛晦不求
聞知推良心以與人抱長才而不試安輿就養遍歷於方州西府
宴閑薦移於歲月錫之好爵以裕子心服我寵章益介眉壽可

母張氏

勅士大夫義隆於顯親恩深於念母追劬勞之罔極悼寵祿之無

施茲子忠祀於總章大需靡恩於海縣思廣吾孝以卽爾心具官
某母張氏靖而有禮勤於治家空傳四德之名不待千鍾之養寵
加異數以慰終天爵無異於生榮地莫加於韓樂服我休命子孫
不忘可

母王氏

勅朕惟左右之臣家有父母之養自公退食朝夕侍側以盡人子
之願者方今一人而已總章之慶恩被遐遠封爵之厚予何愛焉
具官某母王氏居不忘敬行必由禮手治蘋藻躬執組紉老而不
衰足以爲法宜錫三秦之壤以爲一族之華壽考且寧祗服朕命

樂城集卷之三十

三

可

妻

勅朕初見上帝嚴配文考公卿駿奔來相熙事工祝致告均錫純
休朕不敢專思以迨下非獨身享其報亦使家被其榮具官某妻
某氏少長名家輔佐吉士烝嘗之敬先祖是安膳服之宜宗族咸
喜仁厚見於麟趾正直發於羔羊宜增湯沐之封益耀笄珈之寵
服我新命宜爾家人可

李清臣三代妻

曾祖

勅朕方恭默思道垂拱責成乃者大享合宮陟配 聖考躬執珪
幣敬逆神休奉璋裁裁皆先朝之舊降福簡簡告純嘏之豐朕弗
敢專用廣其施具官某曾祖某迹晦鄉黨德如珪璋力行於方寸
之間責報於百年之後子孫之盛縉紳罕聞保傳之尊德義爲允
服我休命宜爾後昆可

曾祖母尹氏

勅朕嚴父配天以教天下之孝肆眚及物以廣上帝之仁顧於左
右丞弼之良咸有肅離顯相之助旣寵榮其祖禰復追賚其室家
具官某曾祖母某曰力其良人咸有淳行孝敬稱於宗族福祿迨
其子孫策名雋科與我近輔肇啟伯禽之邑以爲家廟之華其尚
有知服寵無數可

曾祖母周氏

勅朕嚴父配天以教天下之孝肆眚及物以廣上帝之仁顧予左
右丞弼之良咸有肅離顯相之助旣寵榮其祖禰復追賚其室家
具官某曾祖母周氏珪璋之行著於族人蘋藻之恭竭於常禘貴
始封邑恩錫有邦肇從申伯之封改食不子之國服我休命以賁
宗祧可

勅天之於人無德不報凡今卿士大夫有立於朝尊寵於世者皆其先人積累之厚茲朕既奉 神考以配上帝尊親之極誠禮兼盡恩與羣公推廣斯義以致其孝具官某祖某修身正家而聲被於鄉黨居約履順而福流於子孫世有英才與聞大政寵列三師之貴祚隆十世之餘錫之閔章以賁幽隧可

祖母

勅古之命婦貴從其夫惟克有後乃以其子矧余中臺之轄實總萬幾之煩乃者大享合宮相子肆祀義無不答禮有追崇具官某祖母某氏服勞組紉敦閱圖史祇敬姑章之奉肅雍娣姒之歡中顧之儀風猷未替東國之贈寵數有加賜之密章賁爾廟祏可

欒城集卷之三十

四

父

勅上之修身行義不顯於國必顯於鄉黨故其乘時得志不在其身必在其子孫謂天難忱於事可攷具官某父某隱而不試久乃自彰孝弟降於父兄忠信驗於朋友是亦爲政人無間言由其教子之嚴爲我得臣之助比推恩於秋享增峻秩於師坦追賚九原尙克嘉此可

母

勅士大夫義隆於顯親恩深於念母追勅勞之罔極悼寵祿之無

施茲子愷祀於總章大需寵恩於海縣思廣吾孝以慰爾心具官
某母某氏山河之容江漢其行風被女訓有鵲巢之風能使君子
成羔羊之德宜卽鄉邦之輿壤以爲封國之美名服我寵章祚爾
後嗣可

妻

勅朕登用倚傑委任責成非獨厚以爵秩之華亦將盡其室家之
願乃者躬祀帝考大賚臣工封國定於閭闔世祿通於子弟朕於
卿士實無愛焉具官某妻某氏生於名儒之家綽有女士之德愛
均諸子北鳴鳩之仁貴以良人備罽翟之服筆錫山河之廣寵增
湯沐之封宜其家人服我休命可

樂城集卷之三十

五

范純仁三代

曾祖

勅朕方恭默思道垂拱責成乃者大享合宮陟配聖考躬執珪
幣敬逆神休奉璋我我皆先朝之舊降福簡簡告純嘏之豐朕弗
敢專用廣其施具官某曾祖某潛德不耀餘慶自彰仁義之報不
及其身功名之實灼見於後極三師之貴旣錫於寵名慰九原之
知肇建於成國可

曾祖母

幾事之煩乃者大享合宮相子肆祀義無不答禮有追崇具官其
祖母某氏服勞組紉敬治蘋藻祇率祖考之舊循致子孫之賢中
饋之儀風猷未替西國之贈寵數有加賜之密章以嚴廟祀可

父

勅昔我友皇祖仁宗博求多士以綏靖四方天惟眷祐資之正人
既以克和耄戎又以變洽區夏出入中外實兼文武之烈今予嗣
守丕業選任大吏亦拔西帥以臨中樞匪伊異人惟父惟子仍人
之盛朕無愧焉具官某父某秉德不貳好謀而成始任諫諍知無
不言中爲將帥靖而能勇卒以功業股肱先聖茲予懷想風烈用
建爾仲子嘉其緇衣之德錫以召祖之命爲師保之貴旣無以加
故河漳之封益大其寵可

母

勅士大夫義隆於顯親恩深於念母追劬勞之罔極悼寵祿之無
施茲予歲祀於總章大駕龐恩於海縣思廣吾孝以慰爾心具官
某母某氏山河之容江漢其行其君子正直有羔羊之德其後世
信厚有麟趾之風宜錫寵榮以慰存沒乃祖唐相實啟衛國之封
眷子樞臣願爲密章之贈賁於幽壤尙克嘉之可

中丞劉摯父

初朕臨照百官寄耳目於中執法乃者季秋大享駿奔在廷差於
熙事之成繫其正色之助方均行於惠澤宜特先於庶工具官某
父某種德之深終身不顯教忠之篤沒世乃彰挺然司直之良美
哉有子之慶不有錫命孰知其賢宜加四品之崇以爲九原之慰
可

宋眉山蘇轍子由著

明東吳王執禮子敬
顧天敘禮初 全校

西掖告詞四十九首

苗貴妃三代

曾祖

勅昔我 仁祖刑于室家以御於邦國下迨嬪御化其德風罔不
賢淑迄茲三世猶有耆舊儀於六宮故其祖考日益尊顯 貴妃
苗氏曾祖祚潛德不耀久而後彰至於曾孫寵託宮掖茲因大享

樂城集卷之三十一

祇率舊章命為上公封以成國九原有知尙克嘉此可

曾祖母

勅天之報施昭然不誣世之顯榮皆有由始而况迨事 皇祖流
澤私親夫豈偶然而至於此 貴妃苗氏曾祖母馮氏柔嘉之德
兒紀於族人慈儉之風有聞於後世乃眷曾孫之貴親承大享之
休易湯沐之舊封為寵宥之新寵服我成命世世不忘可

祖

勅朕嗣守鴻圖初見上帝推行天澤不冒海隅矧惟 先朝舊人
外家通貴恩自近始宜無與先 貴妃苗氏祖仁恭隱約之中操

儻以禮被寵光於來裔知報施之不誣官爲上公已極人臣之貴地分全楚復推列國之雄錫是閔章以賁幽壤可

祖母

勅朝廷寵綏臣庶褒顯其先惟有四輔之崇乃錫三世之命其於榮掖殆無幾人 貴妃苗氏祖母袁氏容德之儔著於宗黨福祿之盛及其子孫方予熙事之終旃以成國之賦賁爾廟祀世世保之可

父

勅於赫 皇祖仁覆四方永懷弓劍之遠遺忘簪履之舊而况遠

樂城集卷之三十一

二

事左右不爲老成宜其尊親特被休寵 貴妃苗氏父某躬有懿行篤生淑人既壽且康允仁而信薦經元祀之慶每極追崇之榮肇錫大名以配隆爵密章之賜澤及九泉可

母

勅故舊不遺則民不偷矧吾三朝之人獨享百年之福眷爾近戚予何可忘 貴妃苗氏母裴氏微柔靖恭幽閑肅敬行應家人之美慶鍾女子之祥茲予大亨之成肇易新封之寵滂泉之澤存沒兼榮可

文臣升朝封父母妻

父

勅具官某父某朕茲祀總章陟配且神考子大夫奔走厥服咸與有勞推予嚴父之心爲爾顯親之慶錫命之寵壽考不忘可

母

勅具官某母某氏慈惠有以宜家肅敬可以教子乃者大享之禮百執成事朕寵綏忠孝之心推本源流之自疏爾爵邑以榮子孫可

妻

勅具官某妻某氏士大夫出仕於朝能以恭儉正直成羔羊之美

欒城集卷之三十一

三

必有淑女以治其私用能退食委蛇無內顧之慮朕方推帝澤於天下其何愛一邑不以寵其家人可

文臣升朝追封父母妻

父

勅朕具官某父某合宮之享義存嚴父朕惟天下之士追養之誠上下無間是用推予錫命之寵旌爾教忠之勤九原有知尙服休命可

母

勅具官某母某氏生能正家沒有良子欲盡劬勞之報莫如壽生

之隆方大賚於總章宜肇新其湯沐服我休命世世不忘可

妻

勅具官某妻某氏恭事君子宜其家人勤勞則同而寵榮莫及存
沒之念終身惻焉方予慶賜之行肇加脂澤之奉賁於窀穸尙克
嘉之可

范鎮父

勅士有歷事三世秉持一心志慎金石之堅言爲社稷之計耄期
不亂清靜無求訪之古人殆亦無幾朕旣復命以位思見其人旋
觀德業之崇知有源流之自具官某父某隱居閭巷名出搢紳以
樂城集卷之三十一 四
孝弟爲傳家之資以詩書爲教子之實自修於方寸之內責報於
百年之間子孫勅興冠冕相繼方子大享之慶錫以追崇之榮開
府之儀比隆於三事漏泉之澤少慰於終天可

鮮于侁父母

父

勅朕旣得直諫多聞之士而寘之禮樂之司擢之諫諍之列矣乃
者總章大享來相於庭因子嚴父之心成爾顯親之願具官某父
某懷抱美志博通古文上自河圖洛書下及天文地理無有不綜
庶幾古人卷懷而歸以遺後嗣金章紫綬雖不及其平生密印閱

書示追榮於泉壤可

母

勅婦人之賢室家所賴上能使其君子有羔羊正直之行下能使其後世有麟趾信厚之風詩人所嘉於今猶信朕既得其子以知其親具官某母趙氏江漢之行山河其容手執詩書親教子弟雖負米而養自有孝弟之歡而列鼎以祠莫盡劬勞之報宜易脂田之奉仍加綸翟之榮追賚九原以慰存沒可

陳曼父閏

曼任登州錄事父閏年九十一以敕封承務郎

勅具官某父某總章之慶凡通籍之士皆獲爵命其親朕惟于大

樂城集卷之三十一

五

夫沉於下僚家夫曰中之養而寵榮不及念之惻焉錫爾一命以綏子孫之志可

錢總父母

父

勅錢氏舉國內附俾吳越之人免兵革之亂子孫受封帶河礪山藏在盟府矧其後世賢傑間出赫奕相望其於追崇安可復後具官某父某貫穿墳史練達典章博辯有文絕出倫輩父子兄弟進以直言譽喧一時望以卿相申道而隕報在後昆儼然侍從之華

與我總章之祀寵之開府載是閱書九原有知服命無斃可

母

勅婦人之貴當從其夫禮變古今義均存沒肆子大享之慶俾極
追封之榮具官某母某氏育德高門作續大族生知圖史之榮不
煩保傳之箴餘慶在其子孫清風播於宗黨肇封成國光有翟衣
錫此密章寵爾廟祇可

李瑋三代

會祖

勅昔我 仁祖敦睦九族以和萬邦顧惟念母之深特厚外家之
禮往事雖遠此恩未移具官李瑋曾祖某懷抱美志浮沉人間孝
弟篤於父兄忠信驗於朋友天道不誣報在子孫人爵自高寵極
師保肆子大享之慶肇易三秦之封九泉有知服我休命可

祖

樂城集卷之三十一

六

勅成王之母邑姜齊侯世受其祉宣王之母申后申伯亦賴其寵
矧我 皇祖之聖重以李氏之賢子孫相承冠冕日盛追崇之典
國有舊章具官李瑋祖某隱約之中操修以禮克有淑女篤生聖
人寵雖不逮於平生澤尚可加於來裔比因秋享肇易國封錫是
閱書以寵廟祀可

父

勅朕深惟 仁祖之意寵綴元舅之家申錫婚姻以固恩禮乃眷
奠邦之嗣來相合宮之祠熙事告服瀉恩先及其官李瑋父某貴
而能降富而不驕諸子之賢送爲將帥大邦之寵更王齊秦舉新
錫命之書以慰終天之感可

王堅父

勅朕惟景德祥符之間治定功成庶幾三代時維丞相魏公左右
厥辟同底於道於穆清廟卒配烝皇至於慶曆嘉祐之際克有賢
子不墜厥家出入中外允文允武茲子季秋大亨追念先正之後
有能在朝相我熙事宜有祿寵以勸百官具官某父某始以諫諍
名聞朝廷終以將帥威加戎狄父錫之慶子成厥功故雖富貴顯
融赫奕再世而天下之議不以爲過生爲六官之長沒加三事之
榮匪子爾私惟德之報可

曾布父

勅曾氏系出東魯淵源師友本於孔氏譜牒詳具雖遠而明子孫
盛大繼顯於世具官某父某文學之美肖其先人議論之長信於
來世仕而不遇志存於書沒而愈彰慶鍾厥子屬詞比事繁然有
古人之風理財禦邊卓然有當世之具才智既爽爵秩同升其於
搢紳殆無一二朕旣任以事恩寵其先今茲入享告成顯親清舉

追錫崇階之贈以慰九原之知可

蔡確父母

父

勅位極三師而爵封大國雖元勳盛德有不能至者矣而將相大臣欲顯其親者得之吾是以知積善之爲難而有子之爲貴也具官某父某潛於下僚不求聞達躬有懿行久乃發揚美哉中子之賢在予元宰之事久厭機務退守便蕃深念教忠之勞求易苴茅之賜大名奧壤雖爲甸服之雄全楚新邦願卽故鄉之近九原未泯尙克嘉之可

樂城集卷之三十一

八

母

勅貴以其子而爵從其夫此婦人之禮也時子舊相之寵告我念母之誠亦何愛於大邦不以成其純孝具官某母某氏仁以逮下嚴於治家禮先中饋之勤恩遍外姻之廣命之不淑沒有餘哀擊易脂田之封永保荆人之國寵爾廟室以利後人可

秦晉國安仁保祐夫人張氏祖祖母父母

祖

勅具官某祖某朕追懷弓劍之遙不遺簪履之舊矧功存於保護

而寵極於平生宜因大享之恩成其尊祖之念寵加列衛追賚九

泉可

祖母

勅具官某祖母某氏朕祇祀合宮嚴配 聖考思其志意恍焉如存是以推廣舊恩施及幽遠肇易脂田之奉以申追遠之誠可

父

勅具官某父某朕孝愛之深無德不報永惟保育之舊夙著劬勞之恩方大享之告成宜顯親之施及諸衛之貴存沒兼榮可

母

勅具官某母某氏爾蚤以息女之良功存蕃邸之養報已隆於貴

樂城集卷之三十一

九

顯恩宜逮於存亡肇祈湯沐之封以為幽冥之慰可

世采母李氏安康郡太君世智母何氏永昌郡太君

勅嚴父配天國之大禮也以子貴母三代之舊章也茲予大賚之慶澤被含生之倫矧於近親志切追遠錫命之典其何可忘具官某母某氏承上克恭臨下以禮生著御家之法歿開有子之賢賜湯沐於大邦為寵夢之餘寵九原未泯尚克嘉之可

張方平父

勅士之懷抱志節老於山林不求聞知者何可勝數永惟公卿之

貴本由父祖之賢行義絕倫聲聞不著特緣有子得列於朝追想

風猷不忘嘉歎具官某父某性本靜重行極高明宴坐一室之間
心遊萬物之表澹然自守寡笑與言遂以絕人之姿深積傳家之
慶柱石之寄嘗參二府之崇几杖之儀又已十年之久比緣昭配
許以侍祠宜因均福之恩懋錫追崇之典地分全魏爵列上公九
原有知服我休命可

李端愿父母

父

勅富而好禮貴而不驕勢憑戚里之榮躬被儒者之節昔聞其語
未見其人具官某父某爵本傳家親聯棨館進退以禮無世祿之
非交友多賢盡當時之傑被遇前聖流芳後昆有子而賢久列東
宮之貴開府以贈仍因西土之封錫是閱章黃爾幽隧可

母

勅帝乙歸妹而交泰之功著王姬之車而肅雝之禮成風化所由
恩禮當異具官某母某氏淵源之盛當世莫倫禮義之隆至今傳
誦儼若姑章之奉穆然閨壺之風車服下於王后而不以驕人子
孫衆如螽斯而要於守法故能奕世不墜休聲愈隆茲子大享之
成因爾故封之廣闕書密印寵數不逾可

勅朝廷優二府之臣列三世之贈眷我耆舊退處鄉閭方大享之
告成宜申錫於你命賁及祖廟進封大邦具官某祖某修身正家
而聲被於宗黨居約履順而福流於子孫力行於方寸之間得報
於百年之後朝之大老惟爾元孫肇新淇奧之封增寵師臣之報
告於幽隄服此優恩可

富紹庭母

勅朕追懷先正之臣建功當年流澤後世時惟丞相臨淄公以甘
盤之舊股肱太平丞相韓公以魏丙之賢翼亮數世風流未遠家
事落然比因大享之成重興追遠之念具官某母某氏臨淄公之
子而韓公之配也幼服圖史之訓晚同忠義之勤有德有年五福
兼備奄從淪謝中外咨嗟茲用不忘舊勳寵加新命因其封國之
故以明有子之良賁爾宗祧世世無斁可

蔡朦父挺贈開府儀同三司

勅苦我 皇考分命守將鎮撫四夷時惟西羌弗克靖順實賴良
帥是震是服遂以顯績進登西樞命之不融中道而殞聲蹟之美
於今不忘具官某父某謀猷靖深勳業崇茂治邊之略紀於一時
經遠之功著於來世比緣陟配之享永懷先正之良追錫崇階比
儀三事有子之慶奕世嘉之可

劉那母

勅婦人之賢著於麟趾贈禮之盛極於翟衣朕親享合宮加惠百
辟矧復從官之列來告念母之誠可無異恩以示追遠具官某母
某氏篤生大族作配名儒環佩之聲動必由禮蘋藻之薦舉不失
時追懷令猷尙有諸子守道不倚則漢中壘尉博學不倦則唐居
巢侯美哉有子之良爲我得臣之助祚之大弭慰爾九原可

奉議郎任斯年祖母黃氏

以母封回
授永壽君

勅朕親享合宮均慶多士以寵榮其親推而上之及其祖其不
親親尊祖之義備矣美名大邑介爾眉壽子孫不忘益勉忠孝可

樂城集卷之三十一

十一

張琬父昇追封韓公

勅朕追懷 祖宗下逮先正聞嘉祐治平之盛宗臣大老相望於
朝永思其人如見風采具官某父某始以直氣振於中司終以令
德長於西府歷事 二祖懇欵一節歸老嵩少追迹松喬祖謝未
幾風烈猶在比緣合宮之祀嘉其有子之慶卽封鄉國以資私祧
九原有知服此休命可

安壽知樞密院贈三代

曾祖

勅樞臣之長戎政出焉內則張皇六師以禦外侮外則綏懷四夷

以安中國久虛之位歷試以庸特推三世之恩以示百官之勸具
官安燾曾祖某處躬甚厚與世無求人莫能知而天相其善身隱
不仕而世承其休逮爾曾孫之良冠予西府之列折衝之效偃革
可期斯用錫帝傳之隆名賁私祧之常祀九原未泯百世不忘可

祖

勅古之賢君有師臣之義朕臨御百辟想見其人眷予宥密之賢
夙承祖考之烈積德之厚獲報甚隆寵之上公以見予意具官某
祖某賦性端慤終身退藏孝弟發於自然忠信驗於來世松生於
谷閱歲不衰泉發於山造平而大啟良心於嗣子胙多福於元孫
歸乎家廟之隆數致閣書之賜責於幽隧宜爾後昆可

樂城集卷之三十一

父

勅子之能仕父教之忠率循孝弟之風施及邦家之廣朕既用其
子不忘其親薦錫崇階之榮以寵退食之養具官某父某資性淳
篤既慎靖以安貧操行堅強亦共儉以居富一變簪裳之盛親見
廊廟之崇循致承平旣股肱之允賴報之寵祿宜命數之超升壽
考且寧訓教無怠可

王汝舟祖母胡氏封嘉興縣太君

舟乞以妻封回受

勅某合宮之慶士得以其親及其室家之封封其大父母今汝舟

願以妻之敘而加其祖母恩從其厚將以極尊祖貴老之義而已
綏爾借壽服寵無數可

皇兄令擢等所生母贈縣太君

勅某母某氏合宮之慶澤被存沒爾篤生令人當以子貴筆錫湯
沐之奉以慰怵惕之感蒐而有知嘉此休命可

富弼贈太師

勅慶歷之盛朝多偉人維范與富才業名位實相先後海內稱誦
見於聲詩比之夔契經涉險阻繼以存亡惟天所佑克享全福歷
祖三世配食清廟肆予大享加寵先正亦克有子列於在廷具官

樂城集卷之三十一

四

某父某德及夷夏功載史冊出盟獯鬻復結二國之歡入秉陶鈞
首開萬世之議性本直諒終身不回心樂虛閒超世自得音容未
遠風烈可追錫以上公之章明我師臣之意告於幽隧慰爾後昆
可

劉沆追封秦國公

勅生而秉鈞顯名於世沒而有子通籍于朝家存舊德之餘國有
世臣之盛比緣大享之慶來告顯親之誠勸耆既隆恩寵亦異具
官某父某奮身南國致位中台風蹟之優効見於民政勤勞之久
聲載於圖書頌自告終奄更三世爵極師保之重國分吳舊之雄

宜錫社於 亭示追崇於家廟九原未泯服此鴻恩可

盧政贈司空

勅 祖宗懷柔四方兵革不試雖有貔虎之士擁旄鉞之寄皆老死侍衛之閒不見才武之効然其聲績未泯子孫在廷追遠之恩國有常典具官某父某弓劒之任推雄萬夫韜略之賢著稱當世卒能保寵以汲其身茲大享於合宮示追崇於列辟宜錫冬官之印以增家廟之榮蒐而有知服寵無斃可

王存妻胡氏齊安郡夫人

勅朕敷求哲人咨以大政知其有孝恭祖考之義則爵其三世以

欒城集卷之三十一

五

禮其私祧知其有慈愛室家之心則封之大郡以助其內治凡所以深慰其情而優爲之禮者亦已至矣具官某妻某氏舉無失中言必由禮起於糟糠而善處窮約逮其富貴而不聞驕奢茲使君子綽有成德遂登丞轄之位率由夙夜之佐是用望郡以爲湯沐翟蒞以與會朝勉修令猷答此休命可

楊王第三女封安定郡主

勅朕有懷 二宗思見文武之盛念我叔父亦配間平之賢粵維禮命之優蓋有朝廷之舊女既及笄而字爵當裂土而封恩禮之隆孝敬斯在楊王第三女幼而好禮姆教不煩長而知方婦德已

備茲擇良士亦爲外親將修纁鴈之儀肇錫湯沐之奉惟恭且儉
可以保是美名懷孝與和可以安於一姓風化之首其尙勉之可

樂城集卷之三十一

夫

藥城集卷之三十二

宋眉山蘇轍子由著

明東吳王執禮子敬
顧天敘禮初全校

北門書詔五十四首

麻制十三首

除苗授保康軍節度知潞州制

門下土將之任本智略以爲先萬夫所望亦材武之兼向惟擢拜
之未幾極辭疾以告勞言念惻誠式敷明命殿前副都指揮使武
泰軍節度黔州管內觀察處置等使持節黔州諸軍事黔州刺史

藥城集卷之三十二

一

土柱國濟南郡開國公食邑二千八百戶食實封三百戶苗授蚤
讀兵法有志事功久踐戎行自奮邊鄙入參環列旣被遇於先

朝累積歲勞適謀選於元帥遂分旄節之寄克諧卒乘之懽爾衛
逾年勤勩爲請愍獨賢於煩使俾薨佚於近藩爵加貴名邑衍真
食路子之舊俗武而淳守土之臣事簡且暇於戲建齋而出知寵
敷之不移勿藥有瘳辛年歲之未暮臥理非壯士之節力疾有忠

臣之風勉踈安平起就勲業可特授檢校司空持節房州諸軍事
房州刺史充保康軍節度房州管內觀察處置等使知潞州軍州

事兼管內勸農使兼提舉澤晉絳慈遼州威勝軍屯駐駐泊就糧

本城兵馬巡檢公事替韓宗古加食邑五百戶食實封二百戶勳封如故主者施行

除劉昌祚武康軍節度殿前副都指揮使制

門下多畜衛兵莫如國朝之盛次補元帥蓋本祖宗之常願惟萬騎之選師重以千廬之最微欲衆心之素服非宿將而莫當誕告在廷咸聽朕命侍衛親軍步軍副都指揮使冀州管內觀察使持節冀州諸軍事冀州刺史上柱國彭城郡開國侯食邑一千九百戶食實封一百戶劉昌祚奮田弓劍資以韜鈴整於治軍才出邊將之右勇於對敵聲著隴山之西乃者取其先朝指蹤之

欒城集卷之三十一

二

餘授以平涼總護之貴種羌久困旣欵塞以來庭環尹適虛歸釋甲而御眾爰加旄節之重以壯轅門之觀旌旆不移什伍如故當使少加號令自益精明於戲仁足附眾則六師不擾威能克愛則萬夫可齊亦俾貔貅之徒咸知忠孝之節勉矣來效往其欵哉可特授持節洋州諸軍事洋州刺史充殿前副都指揮使武康軍節度洋州管內觀察處置等使勳封食實封如故主者施行

明堂呂大防加恩制

門下昔吾祖宗草五季之遺復三王之舊皇祐之盛始寓總章於外朝元豐之隆載嚴上帝之定位物有成憲敷遺後人朕因而

循之固有失墜乃辛巳之吉躬被冕服祇卽羣工禮成不遺神貺
昭答誕降多福均畀在廷太中大夫守尙書左僕射兼門下侍郎
上柱國汲郡開國公食邑二千九百戶食實封六百戶呂大防薦
實而文寬厚而栗在 英祖時納忠不回爲名御史在 神考時
宜力不懈爲賢守臣逮茲纘承卽與丞弼旣全付之鈞軸遂能任
我棟梁正顏色而誠意宣出詞氣而忠邪辨左右三載咸乂四方
民無煩苛羗率舊職稼穡茂遂神人燕安俾我釐事告成舊章不
墜雖荷帝祉時惟乃功宜因賜胙之恩遂行進律之典增大國邑
衍食真封疇爾茂勳勸我多士於戲公爾忘私非獨得君亦以獲

樂城集卷之三十二

三

祔於帝寬而有制非獨善始亦以克要厥終及茲休成同底至道
可特授依前官職加食邑一千戶食實封四百戶勳封如故主者
施行

皇伯祖宗暉加恩制

門下宗祀配天所以教諸侯之孝加地進律所以廣 上帝之恩
矧維天屬之尊世奉 濮園之享相予肆祀綏我思成躬率父兄
之和以致天人之應用敷大號昭告治朝皇伯祖鎮南軍節度洪
州管内觀察處置等使檢校司徒開府儀同三司持節都督洪州

軍軍事洪州刺史上柱國嗣濮王食邑一萬二千一百戶食實封

三千七百戶宗暉爵封世王名冠屬籍貴而能降富而不驕孝弟
肅恭率本天姿之懿威儀問學蚤承師訓之良同我絜齋獻於饋
熟進退和於禮節升降比於樂章逮此休成宜均多福益衍舊封
之廣仍加真食之優於戲承安懿之後思繼前人之令猷兼將相
之隆勉圖夾輔之休烈茲因受爵之寵益起循牆之恭庶無間然
克有終譽可特授依前官職加食邑一千戶食實封三百戶勳如
故王者施行

皇叔祖宗祐加恩制

門下朕出欵原廟之嚴入謁總章之秘師臣外帥多士以靖吾國

樂城集卷之三十一

四

宗卿內帥諸父以正吾家親賢旣和天人咸若膺受多福施及四
方矧惟族屬之尊宜有寵光之異皇叔祖寧遠軍節度容州管内
觀察處置等使持節容州諸軍事容州刺史上柱國鞏國公食邑
五千八百戶食實封一千六百戶宗祐恥爲富貴之習勤由禮義
之中祇順父兄親近師友肅若闈門之治穆然朝謁之容秉旄鉞
而四方之志行錫茅土而諸侯之禮備遠鎮容管近殿洛師處之
若無久而益慎爰推大賚之澤益彰有德之榮增衍故封樹錫真
食於戲考之晉人則安平之於武帝求之唐室則元嘉之於高宗
皆以德重屬高恩隆禮異往祇服於明命忠無愧於古人可特授

依前官職加食邑七百戶食實封二百戶勳如故主者施行

皇叔祖宗楚加恩制

門下漢封同姓之國勢遂疏於本朝唐任宗室之隆用每雜於他族 祖宗酌古今之典篤兄弟之親雖極茅土之封常居朝謁之地眷禮特異前世莫倫皇叔祖建武軍節度邕州管內觀察處置等使持節邕州諸軍事邕州刺史上柱國鄖國公食邑五千八百戶食實封一千六百戶宗楚孝友根心文藝飾性居處恭故不聞過行室家理故可以涖官師保不煩朋友稱信乃者顯相原廟之祀齋宿總章之廷饗假無言質明成禮顧惟大賚之澤宜處羣臣之先益衍故封陪敦真食於戲宗祀之典所以教孝於諸侯賜胙之恩所以均福於上帝誠觀禮以知義尙修身而保終祗服寵光永有燕譽可特授依前官職加食邑七百戶食實封二百戶勳如故主者施行

樂城集卷之三十二

五

皇弟

徽宗御名加恩制

門下朕惟成王尙幼而紹文武任姒之業時其諸弟之貴則有邗晉應韓之封皆克保邦以輔王室今子仲叔之眾咸訓 祖考之謀方宗祀于文人以陟配于上帝禮成弗越孝思無窮爰因降福之多以均同氣之盛皇弟鎮寧軍節度澶州管內觀察處置等使

檢校太尉開府儀同三司持節澶州諸軍事澶州刺史上柱國遂寧親王食邑六千戶食實封一千九百戶倍得天之粹克孝于家典學之初弗煩于傳觀其率禮之意既有成人之風受冊苴茅已賜盟於如礪備儀出閣終有賴於維城朕方推神之休布澤于下豈茲貴介而有忽遺宜增多戶之封并銜真食之賜於戲富而知稼穡之事則富可保貴而知君臣之節則貴可全受爵旣先於四方脩己豈後於羣辟祗服明訓其永有詞可特授依前官職加食邑一千戶食實封三百戶勳如故主者施行

皇弟似加恩制

樂城集卷之三十二

六

門下朕明發而興有懷文武之烈孝愛之廣施及兄弟之親茲擇季秋之良躬展總章之祀升侑烈考昭配昊天執幣以前愾然如在念遺意之所屬顧同氣之當先皇弟集慶軍節度亳州管内觀察處置河堤等使檢校太尉開府儀同三司持節亳州諸軍事亳州刺史上柱國普寧親王食邑五千戶食實封一千七百戶似幼有岐嶷之姿長見肅雝之美克勤朝夕旣已無違於家日親詩書知其有志于學爵分茅土之貴任兼將相之榮身能處之不驕人亦期之可久宜益舊封之廣仍加真食之多於戲顯宗之於東平下腰腹之詔明皇之於隆慶歎羽翼之詩朕旣無間於伯仲之間

爾亦無忘于孝友之行外以事國內以顯親可特授位前官職加食邑一千戶食實封三百戶勳如故主者施行

皇弟儆加恩制

門下古者教成於家治定於國九族旣睦萬邦咸和今予季弟之親未遑就傳之禮迨先帝眷懷之深意推東朝鞠育之異恩錫命之隆可後於眾皇弟武成軍節度滑州管內觀察處置河堤等使檢校太尉持節滑州諸軍事滑州刺史上柱國祁國公食邑三千七百戶食實封一千二百戶偪生而敦大長則惠和氣稟清明有室家君王之喜心懷徇達知師保教訓之方乃者擇季秋之良修宗祀之禮事天所以報本嚴父所以顯親罄海宇之人孰非付託之重念天倫之戚永懷顧屬之隆宜因慶賜之行并衍封食之賜於戲父兄皆萬乘之富豈其患貧爵秩旣五等之尊貴於能降罔恃得之之易當念守之之艱滿而懼傾高則不墜可特授依前官職加食邑七百戶食實封二百戶勳如故主者施行

馮京加恩制

門下世臣之於故國增望實之隆老成之於典刑有諮謀之益眷吾嘉祐侍從之列實惟朝廷心膂之臣迨今所存數人而已乃者合宮肆祀百辟駿奔顧瞻舊人方在外服懷想風聲之懿豈忘需

澤之加保寧軍節度婺州管内觀察處置等使持節婺州諸軍事
婺州刺史上柱國始平郡開國公食邑六千六百戶食實封二千
戶馮京敦大敏明肅恭和惠名冠多士徧居臺省之高華德合前
人遂攬兵政之微密納之煩劇而不亂涅於渾濁而不緇心與善
人望推前輩丙吉雖病以陰德而復全蕭傳出藩懷本朝之雅意
頃膺旄節之重以當趙魏之衝坐使中朝不勞北顧宜衍大邦之
履仍加真食之封於戲身歷四朝履夷嶮而一致心通庶事閱義
理者尤多豈以中外之殊而廢謀猷之告介爾膺壽左右皇家可
特授依前官二加食邑五百戶食實封二百戶勳封如故王者施

欒城集卷之三十二

八

行
劉昌祚加恩制

門下賒因路寢之正舉合宮之祠禮樂法商周之隆車服兼漢唐
之盛出欵原廟還享上穹職貢充庭工師履位兵衛如植旌旆不
煩實惟有人以克成禮殿前副都指揮使武康軍節度洋州管内
觀察處置等使持節洋州諸軍事洋州刺史上柱國彭城郡開國
侯食邑一千九百戶食實封一百戶劉昌祚天資鷲勇性本忠良
結髮征羌號馬上之飛將授鉞臨塞皆關中之要區方西鄙之須
材會中軍之謀帥畀之旄節之重付之貔虎之師歸閱浹旬旋聞

輯睦逮此熙成之慶賴其宿衛之勤既增封爵之崇仍加真食之厚於戲古之明主立賞以待有功古之賢將有功而恥自列服子需澤之異勉爾勳名之思貴當益恭老當益壯可特授依前官職進封開國公加食邑七百戶食實封二百戶勳如故王者施行

除文彥博太師河東節度使致仕制

門下周公未嘗之魯老亦居豐禹侯晚雖強食終不任事蓋委寄之重初無間然而止足之風所不敢廢惟我耆舊歷事 祖宗繼服之初復命以位雖師保之地優佚不煩而邛樊之心朝夕以請布告在位俾聞高風太師平章軍國重事上柱國潞國公食邑二

欒城集卷之三十二

九

萬八千一百戶食實封一萬一千八百戶文彥博克孝而忠允文且武其在師旅有方召之勳其在朝廷有崇環之業士民視其去就夷狄震其威名時更四朝躬蹈一節 先皇帝愍勞以事既許其歸越予訪落之年凜有涉淵之志起之既老待以仰成出入五年終始全德進而論道日聞典訓之言倚以折衝卒靖邊防之警委成功而不處指莫景以求安勤請屢聞誠心莫奪顧瞻間并近在洛師郭氏有永巷之嚴裴公有綠野之勝豈以簪紱之累久致形氣之勞貴極上公既無復加之爵秩分領全晉仍畀久還之節

旄增廣舊封益衍真食殫盡人臣之寵歸從父老之游於戲音聲

不遐尙有就問之禮几杖以俟復期親祀之陪勿以進退之殊而廢謨猷之告式燕且譽俾壽而康可特授太師開府儀同三司太原尹充河東節度管內觀察處置等使致仕加食邑一千戶食實封四百戶勅封如故仍令所司擇日備禮冊命主者施行

除馮京彰德軍節度使制

門下備河禦胡固天下之要地建都置守皆前世之重臣雖中外之無虞實根本之所在非其人則視若虛邑得所付則坐爲長城是用敷告外廷復任舊老保寧軍節度婺州管內觀察處置等使持節婺州諸軍事婺州刺史知大名府兼北京留守司公事畿內

欒城集卷之三十一

十

勸農使充大名府路安撫使馬步軍都總管上柱國始平郡開國公食邑七千一百戶食實封二千二百戶馮京名冠多上望高累朝和而不同性有鹽梅之德磨而不磷志懷金石之堅入則參領萬幾出則蕃屏四國頃加煇鉞之寵俾臨趙魏之衝宜民宜人靖重而不擾無怨無惡樂易而可親朕不忍奪民所安故命易節而處升視冬卿之秩併加邑戶之封蓋官宿其業則事無不知民習其上則信而易使方今河流所出近在都城之西故道已堙而歲有衍溢之虞北流旣駛而方患隄防之缺介眾所利卿靡弗聞舊

德所臨朕亦何慮於戲兵民細故責之將佐而可爲邦國大猷非

吾耆老而誰聽勉盡白首之節以寬北顧之憂可特授檢校司空
持節相州諸軍事相州刺史充彰德軍節度相州管内觀察處置
等使再任知大名府兼北京留守司公事畿內勸農使充大名府
路安撫使馬步軍都總管仍加食邑五百戶食實封二百戶勳封
如故主者施行

詔敕四十一首

尚書左丞韓忠彥免弟嘉彥尚主不許不允詔二首

勅忠彥覽所劄子奏伏聞 聖恩宜詔臣弟嘉彥赴禁中引見欲

令尚主伏望以長主之貴更加慎擇事具悉惟先正魏公光輔三

樂城集卷之三十二

十一

世有勞宗挑雖沒元身其報在後 先皇帝追懷忠厚之德許以
婚媾之親逮茲奉行實出 遺旨雖卿以惡盈爲戒深欲固辭而
朝廷謂無德不酬莫回成命謙冲之意嘉歎不忘所請宜不許故
茲詔示想宜知悉

昔王尊以輔政之業郭子儀以專征之功肆其後人皆聯戚里衣
冠之盛晉唐所稱未聞其子孫以盈滿爲言而朝廷聽辭避之請
也今予先正實配前人築館之恩報功斯在蓋便蕃之寵屬於乃
父而事不在卿選擇之命出於先朝而朕不敢易體茲至意罔或

固辭所請宜不允

門下侍郎孫固乞致仕不允仍給寬假詔宜
勅孫固省所劄子奏春中以被病危重乞一致仕名目 聖恩深
厚未忍遽從今氣血益以羸耗在假已二十日坤成聖節不能勉
強趨赴伏望 聖慈察臣出於至誠曲成其志事具悉朕以篤老
之臣於國有肝膽之親而命以位非責其趨走之勞也卿以垂白
之年許朕以股肱之用而受其託非徒爲朝謁之勤也今者眷倚
之厚朕方未息聞望之隆人亦無間徒以壽日方迫疾勢未平不
能造朝遽欲謝事旣非朕所以待卿之本意亦非卿所以事朕之
素心人其謂何朕實未諭旣命賜告以自養卿其少安而勿違所

樂城集卷之二十二

十一

請宜不允仍給寬假將治故茲詔示想宜知悉

韓忠彥乞外任不許不允詔二首

勅忠彥覽所劄子奏兄爲執政弟爲駙馬未有似此體例不若自
求罷免伏望許解近司處之外任事具悉魏公之功沒而不朽

先帝之命久而不忘吾有懷舊勳擢卿於六官之貴繼因 遺旨

屬嘉彥以副車之姻推吾此心蓋非一日本將并錄其子以寵其

父豈欲獨收其弟而棄其兄比因力辭嘗已臨諭有唐故事非獨

一家本朝已行亦存近比尙茲勤請殊失眷懷吾欲伯仲相望於

朝以示國家不替舊德起視乃職罔復煩言所請宜不許故茲詔

宗想宜知悉

勅忠彥省所劄子奏兄爲執政弟爲駙馬未有似此體例不若白
求罷免伏望許解近司處之外任事具悉君臣之間以誠意相遇
則事無不可以形迹爲務則理或難通朕惟魏公歷事三朝咸
有一德功存社稷澤及一孫追懷茂勳迺行先志以卿性資忠良
久更事任可以寄股肱之託以嘉彥業履純潔方及冠歲可以與
姻親之選各隨材分以答勳勞由義而不略無嫌疑之可避顧卿
何慮特假形迹以爲辭况考之古今亦有成例祇服朕訓何卹人
言其罔復辭以安厥位所請宜不允故茲詔示想宜知悉

樂城集卷之三十二

三

孫固乞致仕不允詔

勅孫固省所三上劄子奏乞致仕事具悉卿以疾辭位義也而朕
以事畱卿亦義也既皆爲義則卿之所執雖未爲過而朕之所設
亦豈遽非乎尚何力辭以廢成命今者四方無虞廟堂之上非有
艱難之慮緩急之政也卿疾雖未復而勢已有同日雖稍久而事
則無損誠能得告以養疾疾愈而造朝宜若於體無害也治疾以
及身身強而圖報宜若於国有補也卿何所疑而辭之不民乎勉
循前命無復煩請所請宜不允故茲詔示想宜知悉

趙君錫免刑部侍郎不允詔

勅君錫省所奏辭免恩命事具悉朕以卿仁恕不苟必能衷於有罪寬平盡下可以詳究微文矧在東臺逮茲累歲觀封駁之無避知廉直之有餘眾言旣孚朕志亦定往祗成命罔復固辭所請宜不允故茲詔示想宜知悉

呂公孺免戶部尚書不允詔

勅公孺省所奏辭免恩命事具悉方今賦有常供無暴斂之人用循故事有不給之虞朕眷求長材委以足用虛位以竢累月于茲卿家木世臣早更事任填蒞京邑亦旣久勞辭而不居誰使任事所請宜不允故茲詔示想宜知悉

欒城集卷之三十二

古

太皇太后明堂禮成罷賀賜門下手詔

勅門下 皇帝臨御海內晏安五經季秋再講宗祀克有君德以享天心顧吾何功獲被斯福今有司因天聖之故事修會慶之盛禮將俾文武稱慶于廷吾自臨決萬機日懷祗畏豈以菲薄之德自比章獻之明知復 皇帝致賀于禁中羣臣奉表于闈左禮文旣具夫又何求前朝舊儀吾不敢受將來明堂禮畢更不受賀百官並內東門拜表故茲詔示想宜知悉

太師文彥博乞致仕不許不允詔二首

勅彥博覽所劄子奏陳乞致仕事具悉吾之用卿本以公義卿之

事人亦非私意起於既謝凡以爲民矧於陟降之間未覺筋力之
備苟誠在愛民則愈老而民不厭誠在許國則愈久而君益親卿
既以道深結於朝而欲以私自便而去義有未可非吾所知所請
宜不許故茲詔示想宜知悉

勅彥博省所劄子奏陳乞致任事具悉絜去就之分厲廉恥之風
此新進之士立名於世者之所爲也以朝廷爲家以社稷爲悅此
老成之臣竭忠於國者之所志也卿昔以八十之年不卹小廉出
循朝命旣得之矣歲月未幾體力猶康遽欲告歸朕所未喻豈以
老成之望而蹈新進之爲謂宜少安卒輔予治所請宜不允故茲

樂城集卷之三十二

五

詔示想宜知悉

文彥博致仕再免兩鎮不許不允詔二首

勅彥博覽所再上劄子奏辭免恩命乞只以河東一鎮致仕貼麻
處分事具悉朝廷數以兩鎮命卿而卿率以固辭獲免抑有由也
或特恩之橫被或謝事而得休歷考前後所加猶是公相常禮今
者老而復起起而復歸率自帝師之隆未見前人之比兼持旄節
夫豈過哉已卻封章姑止可也所請宜不許故茲詔示想宜知悉
勅彥博省所再上劄子奏辭免恩命乞只以河東一鎮致仕貼麻
處分事具悉命由君出禮以義起豈必皆有故事然後得以奉行

卿有德有年在朝不見其比或出或處自昔未聞其人矧復兩鎮之異恩既有先朝之成命蓋昔日之勳未若今日之盛則今日之受豈必前日之非勉聽朕言祇受冊禮所請宜不允故茲詔示想宜知悉

文彥博三免兩鎮不許不允詔二首

勅彥博覽所三上劄子奏辭免兩鎮恩命止授河東一鎮致仕事具悉卿股肱四朝而爲二帝師求之古今未見倫儼得謝而去在禮宜殊佩相印持將鉞以爲未足故并付以蒲中漢中之衆所以華國非特以爲卿寵也今辭之不已深所未喻吾志先定卿其勿

樂城集卷三十一

六

辭所請宜不許故茲詔示想宜知悉

勅彥博省所三上劄子奏辭免兩鎮恩命止授河東一鎮致仕事具悉朝廷之命審而後發非力辭所得免也卿親對使坐繼三上章詞已竭矣而朕之素心終不可易且卿兩以帥臣歸第前無其比而後無其繼雖兼擁二節孰以爲非者哉所請宜不允故茲詔示想宜知悉

文彥博免兩鎮許允詔二首

勅彥博覽所累上劄子奏辭免兩鎮恩命乞祇帶河東一鎮致仕事具悉恩之不勝義舊矣卿旣告老而吾以至恩被卿二鎮朝有

百戶勳封如故故莖不論想宜知悉將士等各得平安好參佐官
吏僧道耆壽百姓等並存問之遣書指不多及

欒城集卷三十二

六

孫固乞致仕不允詔

勅孫固省所劄子奏自去年正月未涉夏兩次重病蒙 聖恩寬
假得遂生全然臣一年飲食減少氣力羸乏仰干天聽以祈矜憫
許臣休致事具悉朕屬任耆老本非旅力之求卿被遇股肱豈可
一朝而去雖自以羸瘠爲苦朝謁多艱然而遇事不廢思慮之明
進對每有諮謀之益何損於政遽當告歸矧今邊防無異域之虞
而密府有同寮之助勉親樂餌仰循邦家神之聽之介以壽考所
請宜不允故茲詔示想宜知悉

韓忠彥免同知樞密院不允詔

勅忠彥省所劄子奏伏覩除同知樞密院伏望追改新命事具悉
朕以西樞總領兵要綏御邊防事有失於須臾患或貽於久遠是
用輟卿左轄之要付卿右武之權分職雖殊柄用則一易地而已
力辭謂何矧復親黨之微嫌豈爲腹心之深累勉起視事尚體眷
懷所請宜不允故茲詔示想宜知悉

蘇頌免尙書左丞不許不允詔二首

勅蘇頌覽所劄子奏辭免恩命事具悉卿家世名臣少小篤學在
昔圖史包括無遺本朝典章指陳可數中以直道廢於一時終守
金石之姿不爲燥濕所變白首在列丹心甚明進轄中臺斷自吾
意勉服休命勿爲回辭所請宜不許故茲詔示想宜知悉

樂城集卷之三十二

九

勅蘇頌省所劄子奏辭免恩命事具悉卿日奉寶訓進讀金華詞
氣裕然進退以禮朕旣已熟聞講解之益抑又究觀業履之詳臺
中紀綱責在丞轄卿其以平昔舊聞施於政事朕亦以所參庶政
驗卿前言毋爲回辭當取成效所請宜不允故茲詔示想宜知悉

蘇頌再免左丞不許不允詔二首

勅蘇頌覽所再上劄子奏辭免恩命事具悉卿昔在 仁祖之朝
已預石渠之選一時同列于今幾人結髮翰墨之場白首忠信之
節議論如故志意不衰擢任柄臣蓋旌耆德辭至于再殊匪吾懷

所請宜不許故茲詔示想宜知悉

勅蘇頌省所再上劄子奏辭免恩命事具悉二韓之司萬幾所萃不明故事政或失於紛更不達當今用或病於膠固朕以卿誦習典章而不厭更闡義禮者尤多擢實左右之聯實求咨訪之益雖力辭之不已顧成命之難回所請宜不允故茲詔示想宜知悉

知樞密院孫固乞避親不允詔

勅孫固省所劄子奏伏覩除韓忠彥同知樞密院事緣臣有女嫁忠彥之弟純彥有此親嫌理合迴避伏望罷臣知樞密院事獲遂休退事具悉朕惟先朝同秉樞機之臣有以近親不許避免之

樂城集卷之三十二

三

比是以並建長貳之懿不取形迹之嫌今卿以謂無他同寮請循著令雖祖宗舊法不可遂忘而君臣同德姑爾無害豈以纖芥之故遽爲退老之謀再閱謙詞徒用嘉歎所請宜不允故茲詔示想宜知悉

勅周尹省所進奉與龍節無量壽佛敕書

勅周尹省所進奉與龍節無量壽佛一軸事具悉佛心無爲佛壽無量有能繪其真相俾來獻於誕辰勉我以清淨之風祝我以期願之福忠勤深至嘉歎不忘故茲示諭想宜知悉夏熱汝比好

否遣書指不多及

范百祿免侍讀不允詔

勅百祿省所上表蒙恩除兼侍讀伏望特寢誤恩事具悉卿秉心直諒臨事莊栗頃貳憲部持法寬平不屈於權要及領選曹馭吏詳察不撓於煩劇其達於吏治朕既知之矣至於通經博古慨然正論昔由此進今以是老朕寤寐格言而獨未聞焉挾策進讀其勿復避所請宜不允故茲詔示想宜知悉

趙君錫免吏部侍郎不允詔

勅君錫省所奏辭免恩命事具悉卿孝友慈祥可以施於有政寬眾柔立可以命之有家適從議讞之勞遷領銓綜之重蓋因已試之效非有躡等之嫌選劇務繁不可久曠勉力思報賢於固辭所請宜不允故茲詔示想宜知悉

文彥博免孫男康世章服不允詔

勅彥博省所劄子奏辭免孫男康世章服事具悉卿以耆老給扶子孫以進見授服前後既異豈以重復爲疑奏牘上聞何其畏慎之過已頒成命罔復重辭所請宜不允故茲詔示想宜知悉

孫固乞致仕不允詔

勅孫固省所劄子奏以老病情迫累乞休致未賜開可緣年齒晚暮疾病侵陵今日筋骸困憊至此無復安全之理伏望哀憐早降

皇帝以旱賜門下詔

勅門下朕奉承統業于今五年臨御崇高未達庶政夙夜祗懼若涉淵冰常恐德之弗輝無以下懋民望上當天心今者冬雪不效春雨弗若逮此孟夏旱災如焚麥不充食禾未出土歲事凜凜民且狼顧雖禱祠備至而神莫之答惟循省自克則災或可消意者政令寬弛吏或爲害而莫懲歟賦役失當民病於事而莫察歟忠言有壅而未達賢才有抑而未用歟念之雖勤行則未至昭明恐懼之誠意庶幾陰陽之不違可自今月二十三日後減常膳不御前殿及將來五月一日罷文德殿視朝朕上奉東朝深愧常珍之日缺下臨庶尹猶冀嘉言之上聞苟利於人其無不可故茲詔示想宜知悉

鄧溫伯免翰林承旨不許不允詔二首

勅溫伯覽所奏辭免恩命事具悉卿以文史足用久在禁林慎靖寡尤首承密旨雖云新命率皆前官尚此盤桓固求引避旣違朝廷號令之信徒有道路進退之嫌其尚亟前勿爲煩請所請宜不許故茲詔示想宜知悉夏熱卿比平安好遣書指不多及

勅溫伯省所奏辭免恩命事具悉翰林以議論爲官而承旨以年德爲選茲所以歷求多士復用舊又卿旣父在朝廷當識朕意遷

延退託雖多長者之風號令文詞宜得宿儒之用成命不反固辭
實難所請宜不允故茲詔示想宜知悉夏熟卿比平安好遣書指
不多及

呂大防等再爲旱乞退不允詔

勅大防等省所再上劄子奏近以旱曠爲沴乞罷職任伏蒙詔命
不從所請伏望早賜施行事具悉常暘爲災民瘠已甚朕爲之父
母而卿等爲朕股肱相與憂之固其任也然至於求罷職事則匪
必心朕既自以失德爲疑卿等姑復以批政爲念因民情而圖救
脩旱備以防微既能夙夜在公豈必遽巡去位朕志如是卿其少

欽定四庫全書

詞

安所請宜不允故茲詔示想宜知悉

彰德軍官吏軍民示諭敕書

勅彰德軍官吏軍人僧道百姓等朕以魏都要地守難其人馮京
名臣姑易其節假爾鄴城之重壯我甯鑰之聲矧旄鉞之得賢抑
吏民之增氣已頒大號想慰輿情今特授馮京檢校司空持節相
州諸軍事相州刺史充彰德軍節度相州管內觀望處置等使再
任知大名府兼北京畱守司公事畿內勸農使充八名府路安撫
使馬步軍都總管仍加食邑五百戶食實封二百戶勳封如故故
茲示諭悉宜知悉將士等各得平安好參佐官吏僧道耆壽百姓

等並存問之遺書指不多及

馮京免彰德軍節鉞不許不允詔二首

勅馮京覽所上表辭免恩命事具悉老臣所在眾志自安邊鄙震
其威名吏民習於條教事可坐定政無更張是用因魏都之舊疆
換鄴城之新節乎號旣布僉謀畢同方慶得人之難遽覽飛章之
請吾命惟允卿其勿違所請宜不許故茲詔示想宜知悉夏熱卿
比平安好遺書指不多及

勅馮京省所上表辭免恩命事具悉魏博重鎮舊用老臣旄節龍
章制存易地朕以卿耆稱多士旣歷三朝臥治此邦於今再歲復

樂城集卷之三十二

五

欲借君以爲重蓋亦因民之所安豈其固辭而可得免祇服成命
永綏北郊所請宜不允故茲詔示想宜知悉夏熱卿比平安好遺
書指不多及

文彥博免致仕合得五人恩澤詔

勅彥博省所劄子奏今來致仕依條合得五人恩澤乞賜寢罷事
具悉朝廷以恩遇老臣無所不厚而卿以禮自克辭不敢居卿旣
能見得恩義以律貪夫朕豈不能成人之美以明晚節蓋知損之
爲益是以高而不危所請宜允故茲詔示想宜知悉夏熱卿比平

安好遺書指不多及

范百祿免翰林學士不允詔

勅百祿省所上表辭免恩命事具悉卿蚤以直言預英祖之選中以直道干 神考之知侃然立朝老而益劭朕欲訪經籍討論之助求文章潤色之工既已寘卿金華之中茲又擢卿玉堂之上矧復班六曹之首無躡等之嫌繼仲父之賢有傳家之慶朝有成命勢不可違時方須才義亦難奪所請宜不允故茲詔示想宜知悉

10713

樂城集卷之三十二

三

范百祿免翰林學士不允詔
勅百祿省所上表辭免恩命事具悉卿蚤以直言預英祖之選中以直道干 神考之知侃然立朝老而益劭朕欲訪經籍討論之助求文章潤色之工既已寘卿金華之中茲又擢卿玉堂之上矧復班六曹之首無躡等之嫌繼仲父之賢有傳家之慶朝有成命勢不可違時方須才義亦難奪所請宜不允故茲詔示想宜知悉

范百祿免翰林學士不允詔

